





秋澗先生大全文集卷第二十七



七言絕句

過文貞宋公墓



廣州去闕幾千里中使銜恩信貴僚莫訝簡



沙丘宮

齊梁霸趙何雄壯探轂回鋒遽懦庸千古興亡酷相  
似武靈而後有莊宗

栢鄉道中

聯鑣時喜笑談開不覺淒風漲面埃曉日迫亭橋畔  
路青山一道柳邊來

大都小雪時聞兩廣捷至



雪翻廣陌飄梅粉雲覆宮墻抹竹烟預為新年傳喜

夜到甘泉

宮杖亡宋物也左丞姚公以上所賜出示坐客故有此作效王建體

六宮催上木蘭舟百色輸來不敢留親見紫宸新製杖金盤龍地玉虬頭

過中山府

紅旗鐵馬響春冰儒將清邊世莫驚遼吏不知唐泊險使來先問二蘇名

過梁門

漠漠蒼溟海氣霾銅梁北照遂城開不知陂漲能遮甚萬騎澶淵索戰來

毛氍毹卓歇圖

牙旗風軟馬蕭蕭渭水歸來氣更豪想得龍沙西北道際天秋草黑山高

題花光墨梅二絕

蜀僧超然字仲仁居衡陽花光山避靖康亂徙江南之柯山與叅政陳簡齋並舍而居山谷所為研墨作梅超凡入聖法當冠四海而名後世嘗有移船來近花光住寫盡南枝與北枝之句其丰度可想見矣趙雲夢題云如玉謝子弟倒冠落佩舉止歌傾自有一種風味蓋前朝高丞相家物暗香疎影溪雪春風四圖今失其溪雪見為宋漢臣所收僧號花



光道人東坡山谷少游皆有贈詩

滿溪明月影扶疎只枉緇塵點雪膚展放畫圖還記  
得孤山離落漲西湖

破墨能開雪裏芳道人花供老猶香移船要近花光  
住笑殺涪公有底忙

裕卿李兄來別復效樂天體以贈

晤語從游喜任真玉堂僧舍幾相親河梁莫厭重携  
手明日共為千里人

題朱彥暉三陪手卷

謂木菴陪飯嘗漢卿陪針陳學士陪口也陳時可字秀玉

余年五十覺籠東左臂偏枯右耳聾說道燕城陪手  
客此針傳授到朱公

江村訪友圖

江東宰相說風流賈嗣吳潛果孰優今日國亡公

出時須來訂晉陽秋

廉公作牧古無雙聞道旌招別楚邦何計挽留令活  
我似來謀及鹿門龐

西椽茆屋枕江濱杖屨來敲月下門不是愛梅多者  
竹冷香疎影望黃昏

韓幹畫照夜白圖

開元天子燕遊多一骨承恩玉色瑳所養自來非所  
用雨中蜀棧要青驄

纓紱騎衣一色紅玉華光照苑門空昭陵六駿秋風  
裏辛苦文皇百戰功

沉香亭下牡丹芳宮漏穿花夜宴央輦路傳呼停鳳



燭內家歸說玉麟光  
松窓雜錄云開元中明皇書乘照夜白與太真妃賞牡丹於沉香亭  
 政捐金鑑九齡歸殿色  
 糊塗醉不知天意種深天寶  
 禍故生尤物配妖姬

題何侍御所藏雪霽江行圖

雪霽澄江照眼開  
 常年十月蔽兵埃  
 而令風物真堪畫  
 滾、行商兩浙來  
 栢室霜信肅江楓  
 寒入黃茅瘴已空  
 一線暮江春雪外  
 枉將新意說清雄  
 炎瘴消殘一雪餘  
 勾吳無地不亨衢  
 江山正要燕公筆  
 却點騾網入畫圖

滕王蝶蟻圖  
劉侍御家藏

兩翅輕翾暈粉金  
 內人無計撲羅襟  
 南昌閣底花如

霧迷殺春香一寸心

槐壤紛、事暫歡枕中  
 栩栩伴周閒丹青欲識滕王  
 意須着人間比夢間

粉香金翠夢能甜  
 細寫春情入筆尖  
 却恐尋香飛便去  
 六宮爭下水晶簾  
王建宮詞有傳得滕王蛺蝶圖之句

夏日玉堂即事

悠、時事百年心  
 歲月徒成昨與今  
 萬一寸長能及物  
 不愁華髮已盈簪

失時已抱周人恨  
 濟物長深永叔懷  
 鈴索不鳴朝日靜  
 坐看簾影轉苔階

世願登瀛不作卿  
 玉堂更比憲臺清  
 只緣白獸樽中醴  
 當日元王為穆生



陰，槐幄幕間庭靜，侶藍田縣事，德細草近綠，春雨  
過，映堦侵戶，一時青。  
日長上直玉堂廬，思入閒雲待卷舒，重為盛時難再  
遇，等閒羞老蠹書魚。

故開府儀同三司中書左丞相贈太尉謚忠  
武史公挽詞有序

維大元國至元十二年歲乙亥二月七日

中書左丞相忠武史公以疾薨于位，訃聞天下痛悼，嘆哲人之云亡，哀斯民之無祿，在某  
又有感焉而不能已者。初壬子歲，公受封於  
衛，其年秋來視師，某以諸生啟事上，謂特曠  
焉錄用實資藉之俾進，其所未至以需。來

逮中統建號之明歲，公入當鈞軸，時某掌記  
中堂館門下者半歲，首奏擢除翰林修撰，兼  
內省都司，既而以事註得公，辨明免歸。至元  
改元，搃尹都督移鎮東魯，辟某克幕官，遵公  
命也。公之意，蓋欲草舊事行新用也。九年壬  
申，繇御史得調平陽，謁公授啖，去曰：若綿歷  
頗久，同列貴和，餘復何云？明年朝議經制南  
伐，詔公開府襄州節制諸軍，又將以僚屬召  
尋輿疾北還，事雖不果，於菲薄實加重，嗚呼！  
昔韓愈從事汴州，於隴西公有倦，不忘者  
直裴中令為可知，不肖某何敢望昌黎之清  
光而忠武勲德為世宗臣遠邁中令而某也。



始終沐公裁成卯翼使散光燭耀於時其感  
 戴當何如哉一旦遡大樹之悲風痛吾儕之  
 安仰此李平廖立淚下而霑襟者也爰賡薤  
 露之歌用表素旂之末前十章頌公德業之  
 萬一後五章摭平昔顧遇辱知之厚傳武侯  
 於近代敢躡蹤張拭之文贊充國於麟臺庶  
 張本揚雄之作尚異  
 神靈鑒茲誠悃其詞曰

補衮功深作帝箴片言能霑萬方霖白頭無地酬知  
 已重為蒼生淚滿襟  
 寇鄧高勲上將材丹青圖畫冠雲臺舉頭納乾坤  
 大辛苦中原百戰來

南臨江漢北無垠英衛軍機祐預仁百代盛從青史  
 見漢家群后有元臣  
 遺表陳情不及私南征無嗜殺為嬉身雖不覩吳平  
 後羊祐恩威有素規  
 元勲高在麒麟上曠度初無智勇名欲見令公陰德  
 厚一門八子總公卿  
 幾年黃閣見調元福浸蒼生奠枕眠兩號改元幾二  
 紀不交波及海南天  
 閩節堂五路尊繼承諸姪動天閣推恩不為夷濟  
 讓要慰先臣地下魂  
 身後論功誓不磨德韃高塚鬱峨嵯千年零落丘山  
 底忍聽唐鏡作露歌



上計歸來愈謹忠又從潛邸識

真龍十年浴鳳池邊夢不到歌鐘甲第雄

逆齋節制竊桓文繹鬣翻波海氣昏堂上有兵能制

勝一言料苑莖中豚時子都司中堂公聞達瓊突入濟南有

先皇登極公封衛賞識初緣啓事陳二十年間門下

客愧無椽筆贊經綸

昂藏綠野堂前鶴飲啄當年在鳳池一諾見推連省

署九泉埋骨荷深知中統二年余在上都

幕圍火烈燕巢傾此際誰能託死生一語保全微命

去駐安方丈記辭行

拂衣歸去老田園木屑筠頭苦見憐尺一起為蓮幕

客東平門下又三年

征南開府控襄州舒也何為預唱籌報德愧無千字  
誅峴山南望淚空流

萬壽節同宋太常弘道出左掖門口號

禁漏穿花夜已央宮槐籠曉色蒼々慙慙一點東華

日先到紅鸞扇影光

隔夜端門分板位平明簪笏列鷓行紫雲低覆千官

拜潤入金爐百和香

羯鼓敲高吹管清九天合作鳳鸞鳴侍儀贊唱三成

後磬折齊呼萬壽聲

花映崑廊近紫宸官官行酒過三巡共携滿袖香烟

出散作都城十日春

對品班分玉筍行一時望拜殿西廂百官燕出宮闈



靜踈雨濛濛濕建章

過王太師廟

在壽張縣西三十里

老雨莓苔滿露臺野棠花映廟門開地中鐵戟消沉  
盡時有陰風樹杪來

題開州驛亭壁并序

昔有宋之三葉也遼人大舉入寇南抵澶淵  
有併吞席卷之勢堯叟以蜀產主議西巡欽  
若以吳人請狩建業社稷安危在此一舉萊  
公審勢明料敵果挺不拔之忠任授瓊之責  
奮不顧身竟夷國難當時遼舉國之兵膽已  
墮公北狩一言奚待斃延壽一矢之力也庚  
申秋予應辟東魯道出是邦按轡周覽想河

流之奔洶仰壁壘之雄峻斯亦宋之金湯也  
遂盤礴回鑿碑下慨然有懷古人臨大節處  
大難曾中素有所定不然淮陰以漢中畧對  
烏得還定三秦武侯以南陽一論遽能西取  
劉璋東向以爭天下者哉  
幸蜀巡吳避銳鋒竟從孤注就天功千年草木餘威  
在野老猶能說寇公

顯宗畫三教晤言圖

西晉玄風倡永嘉晤言新意出承華後人莫作無同  
論剖破藩籬即大家  
徵言初不出吾書正恐雄誇涉誕虛坐上若拈花葉  
問發端當自仲尼居



承華震翰日重光大定聲明有父皇若以撫軍監國  
論長沙書疏未容忘

緇衣蔽路樂清修羽客談玄日自由眼孔侶怜吾輩  
小終年平地看錢流為儒戶即造寶鈔

髻絲禪榻喜相依休問珠英果是非已看孔林殘照  
裏青衿漸染變緇衣

徽宗臨張萱宮騎圖

缺胯賴衫玉帶圍駿華翻影下瑤池老徽筆底無留  
思貌畫春風出閣儀

碧暈紅網思有餘較來經國太工夫大風歌裏雲飛  
遠不畏高皇笑殺渠

戊寅歲燕都元夕

萬家簫鼓憶升平九陌銀華壁月澄此夕薊門南北  
望風簷隨分兩三燈

九齡忠諫圖

挺笏摧姦論已萌帝心唯恐悞忠貞開元所事呈來  
足只欠成都萬里行

樂士宣瀉瀉圖宣和畫工

彩羽翬明照影閒蓼汀沙暖睡初殘擊揚寄謝霜空  
鷗輸與江湖百頃寬

四皓圖

山中日月到華胥澗飲芝餐樂自殊苦被晉侯容不  
得須教人彘事相污

送南冠徐子懌兵后還武昌



卧老盧龍塞下春故鄉心緒異鄉身燈前一展平安  
報照眼清江月近人  
故里依稀竹樹烟白頭此日是歸年多應重燭東湖  
夜夢裡相看一泫然

王摩詰驪山宮圖

安遠門西萬里餘耕桑烟火總民居只應勤政樓中  
夢百倍華清樂不如  
憶昔風流王右相開元親侍玉堂廬細吟凝碧池頭  
句政恐丹青是諫書

跋張龍丘簪花圖

醉吟賞畫洛陽春老與坡仙作近隣未礙一枝長在  
眼靜菴方寸本無塵

龍丘子晚居黃崗號靜菴居士與東坡為隣

荆氏周急圖

九縣飈馳到杞天禾廬榔比豈容全指困能繼前賢  
舉亦是農家識事權

宣和梅蘭圖

暈碧裁紅奪化權冰姿芳魄鬪春妍只應五柞宮中  
夢不到幽香淡影邊  
木有寒梅草有蘭色香宜作一圖看曾憂荆杞生庭  
戶歲暮芟夷有至難

題張寶臣手卷

華裾織翠萬金身名動春坊劔字新全侶當年天策  
府經綸王業半儒臣  
跋船子和尚圖



戢、波間萬鮪遊一鉤那得盡迴頭何如收却綸竿  
坐明月千江任自由

漁樵閒話圖

艤舟弛擔兩欣然千古興亡話眼前忘却前溪歸路  
晚暝烟橫合碧山巔

觀稼

朝餐不再腹為虛多稼雲連仰雨濡今日東城看佳  
色愈知糞壤是金珠  
今年新桂米量珠日聽閭閻有殍夫縱使積金高北  
斗不知能濟此飢無  
烟鋪雲委泛晴光平遠風來粒米香鄒孟最深王道  
本徑從五畝論耕桑

雨後馬上看山

西山盡日塵土面一雨晚來膏沐容晴霽最堪圖畫  
處白雲零亂點高峯

竹林七賢圖

森、烟玉太行秋七子徜徉結勝遊笑殺阿戎真俗  
物出山能幾執牙籌  
魏晉清談倡若徒永嘉東播洛為墟大書不削陽秋  
筆更着丹青詫隱居

讀文中子傳

書成復性才稱訓道見原人本自文聖學操存元不  
易白溪猶有淺深分

山壑萬松圖



髯龍落、不凡材。萬壑蒼烟鬱未開。絕侶澗阿幽隱  
士苦嫌塵土不歸來。岩風謾、泛秋聲。展放橫披眼便明。酷似龍門山正  
北。兩崖陰合記經行。大厦歌傾。要棟梁萬材於此鬱蒼。正須叮囑工師  
輩為楠為榱。細選量。構厦先論大匠賢。未楹椳闌不相拍。何當剪伐長材  
外。乞與坡仙作竈烟。

讀開元天寶間事

庭燔錦繡初年事。矯枉情過久。復歸鄒孟一言垂。至  
戒大臣無切格。君非常山不屈。平生節中令。能明死後忠。未若廣平還具

眼當朝終不賞邊功

李龍眠二駿圖

突嚙相忘絡腦羈沙平。春靜草淒迷。後人莫作丹青  
看。特為南華釋馬蹄。遼夏尋盟靜塞塵。駟、  
歸逸華山雲。當時駉北三千匹。辨與龍眠策畫勳。

候廉相病

詩書素業清。時樂州木平。泉四季春。識取相君無妄  
疾。自來憂道不憂貧。

金華恩眷見來深。李泌初無富貴心。琴裏南風如解  
愠。正煩吹起傅岩霖。一作况是岱雲能寸  
合肯教空作傅岩陰當年匹馬走雷風。氣壓秦川百二雄。今日露花攔檻



底秋絲爭吐看青蟲  
貧不能移貴不驕丈夫到此是雄豪何當慰滿蒼生  
望卧看東山月影高

明皇按樂圖

羽曲調音到克諧宮中花柳四時開五絃儘有南薰  
手却喚花奴解穢來  
興慶宮池水殿深帝心橫清濁哇淫讓皇友愛情何  
切獨為君王辨八音  
逸圖零落御前屏心醉華清按樂教擊損碧梧綠底  
事促教秋兩劍閑行

李伯時二馬圖

肉駿連錢汗血無絕足日與駑頑俱何當與馭彪將

髀蹴踏逋孽闕東隅

承顏堂

舉世紛紛說奉承色窮愉婉古難能近因細讀蘓公  
傳眷戀庭闈有足稱

太子府戊寅夏六月廿日

千秋節同承旨姚公尚書許公行香口號

入朝已盡三嚴鼓禮佛重行繞殿香洞戶啟時宮燭  
迥五雲朝處少微光

前星光彩白重輝幻海風烟動羽旗曲宴未終間委

珮采頤廊下看靈龜

將入宮夜夢一大龜飛舞余  
前明日祝壽果遂觀此龜

沉蘭殿寶香薰濟衣冠四皓賓識取元良無筭  
壽歛時多福錫生民時奏停運司



題沁州杜敬夫醉經堂沁春秋時地名鞞  
即文中子祖父故居銅川地

金沙霧散滿懷春  
總為從來味道醇  
酣適愈深心愈  
樂不任枯朽復何人  
聖賢真味日陶然  
王氏遺書有正傳  
河上丈人如見  
問却還糟粕到銅川  
飲食誰非飽  
即嬉至論瓊味  
幾人知六經奧旨  
醲於酒不到沉酣  
總啜醜

李相師詩并序

伏以簾垂坐卜蜀君平  
祿命雖高目擊道存  
表容師人倫尤妙  
嵩嵒處士李君術窺鬼眼  
鑑洞清霄馳聲於京華  
二十年閱人于市樓

幾百輩多因勢解  
焚之說無虛高  
遇喻之辭  
待詔宮車屢承  
恩眷直氣曾驚  
于戶牖微  
言預兆于機祥  
為賦新詩  
先書小序

霧隱雲驤虎豹文  
眼中歷歷說承恩  
羨君風鑿何精  
切曾博紅雲一笑  
溫

萬事心箴到隱微  
一言能發靜中機  
聖白玉臨御思賢  
切識取新豐馬布衣

過仁宗陵

道出黑石渡  
同宣慰陳慶甫  
遊仁宗陵後  
宋人曾有詩云  
干戈銷弭  
歲年登邊  
將無功吏  
不能四十二年  
那忍說暗垂  
雙淚過昭陵  
親

晦翁語錄



猗蘭被路栢圍城此日秋禾滿廢陵伊洛水南山松少  
後丙午六月記來魯

題承顏堂卷

近讀程氏遺書論曾子耘瓜誤斬其根曾皙  
建大杖以擊其背曾子仆地不知人事良久  
而蘇欣然而進曰大人用力教參得無疾乎  
乃退援琴而歌便知體康孔子聞而怒曾子  
至孝如此亦有這些失處若是舜百事從父  
母只殺他不得又問申生待烹之事如何曰  
此只是恭也若舜須逃也前日題此卷詩意  
偶與此合喜為錄附其後

小雅報勞天罔極南陔致養戒何深浚完并廩從多

故一順能全是舜心

題理宗所題宮扇

拱手深宮四十年只將詩酒闔清妍料應一片江湖  
夢不到謝玄淝水邊

跋嘉祐熙寧間李昭珙所受告身三通

愛樹懷賢自昔然眼中真宰見差肩因思近代文明  
最無佞嘉熙慶曆年

跋秦王擒竇建德圖

天命人心已有歸怒虜抗獄欲奚為自將五載飛揚  
舉辦作秦王破陣辭

王昭君出塞圖

絕色當年冠漢宮誰移尤物使和戎流連不重君王



慾延壽丹青似有功，用程晏論

朔漠風沙異紫臺，琵琶心事欲誰開。人生正有新知樂，猶勝昭陽赤鳳來。

讀趙飛燕傳

未門蒼莖向夜開，富平駟騎欲誰猜。微行笑殺張公子，併引昭陽赤鳳來。

題黠鼠賦後

鼠喻雄深過柳州，竊時欺暴果誰尤。惠卿未死舒王在，悄悄孤懷為國憂。

社鼠城狐固細微，不勞區處動嫌疑。何當論報堂階下，免使區區若輩欺。

豺豕承磨牙到暴殘，容身應媿豸為冠。咄哉此輩何為

者，未用區區計面謾。

黃筌蜂蝶圖

翅粉翻香卷鐵鬚，亭花影小華胥黃。生筆底留深思，似與齊丘釋化書。

鳳輦隨渠即幸臨，隔花望斷翠嬪心。春風上下樓不

題劉君用可菴手卷

忤物能全古未聞，正須多可應時人。保身猶落婁公後，唾辱須防潔面嗔。

題樂天不能忘情圖

病來心事轉蹉跎，身外猶嫌長物多。况是春歸留不



里陌鳴珂歲月深，柳枝清唱伴長吟。一朝並逐春風散，却是維摩示病心。  
悲鳴駱馬莫回頭，說似余情久倦游。滿眼清伊石樓月，杖藜來往亦風流。  
龍門八節鑿來平，千首新詩貯佛經。只為暮年無可做，又留公案八丹青。  
青衫憔悴老江州，放逐歸來萬事休。正有醉吟情未減，又翻新樣柳枝愁。  
春風不到豸冠霜，甚是溫柔與醉鄉。展放畫圖還自笑，髻絲先此樂天蒼。  
子四十二  
髮已半日

題醉仙圖

瑤池清讌世空聞，想像仙桃物外春。畫史恍從

見丹青貌盡，醉時真等是高陽舊酒徒。醉鄉真樂到華胥，不然有口難言際。同向春風倒一壺。  
何物諸人作恠頭，眼花落井口流涎。滔、搃是胡母輩，強着冠巾作散仙。

公堂即事自箴

兩衙相並無尋丈，一處繁囂一寂然。間有事來還狗却，俯慚於地仰慚天。

門帖子

不期北里富薰天，敢羨中朝日九遷。喜見上旬壬子會，大家豐足過今年。  
四日壬子

題杜氏近仁堂



青、庭草我何殊，物體方苞戒。薙除致養此，心能類  
長一軒和氣際。堪輿一作天生意見方輿

我欲斯仁，即至主人此。理久相安，兩椽寓舍中。堂  
後莫作王孫火，竈看

心德由來萬善宗。舉斯加彼，即冲融。不須苦向遺編  
泥，收取平時濟物功。

漢署即曹實，要津不移居。養幾何人粹，然一點慈祥  
氣，辦與人間作好春。

嫂趨井坎，爭援手。牛為穀，鯨免饑。募鐘天理在人，曾間  
斷多君操守，便從容。

顏子拳、善服膺，豈徒歸美重名稱。寥寥此意，千年  
後復禮名家見杜陵。

博愛功多到靖深，虛懷猶用近為箴。煩君試閱金華  
事，何限當機利益心。

跋燕肅牧羊圖

行飲溪流喜降阿，歸鞭影淡夕陽坡。侶將馘、維千  
角，辦作宣王考牧歌。

平秩東臯事有餘，荒烟平楚散林墟。牧人例有繁多  
慶，袋底秋江夢衆魚。

題溫居士畫像

盛集賓筵每會逢，笑談端有古人風。如公耆舊今能  
幾，又逐秋江月影空。

太真風彩動并門，處士流芳實裔孫。今日坐看磐石  
上，老成難遠典刑存。

自稱晉溫  
太真之後



題魯人張仲和卿舒嘯亭手卷

蟻穴蜂衙開事機，人心無路到清夷。  
偷然笑煞東皇客，月白風清世不知。  
千山秋月照螺臺，兩吻清風萬壑來。  
吹作半空鸞鳳去，公和元是不凡村。

已卯清明日雜詩時巡按南京

東風吹靜鎖窓塵，落盡桃花別有春。  
一樹青梅老小湖，山畔翠娥顰。

早衙例向中時散，宿酒禁持到日西。  
步繞芳叢

見閑情還與碧雲低

千門萬戶記經行，瓦礫場中問舊名。  
一片月照人依舊，十分明。

吏散公堂日晌西，暮雲樓閣自高低。  
呢喃何處飛來燕，侶為巢新快穩棲。

雪委紅翻點綴春，桃花錦爛柳條新。  
那知春事都無意，燕子爭來強語頻。

我近南來石濟津，暖烟晴日欲烘春。  
自從入得清明節，連日春陰殢殺人。

汴梁清明

連日風沙此日晴，東君有意作清明。  
垂鞭醉入宮城去，一片傷心畫不成。

寒食日過隆德宮

當年陸海駭珍藏，此日繁華墮渺茫。  
春草不隨人事換，依然分翠入宮牆。



題孫郎中孝友峯

水穿沙嘴到玲瓏抵事題為孝友峯長著紫荆庭樹  
影鞠哀天顯表冲容

館史開府第宅

石欄春靜雨留苔江漢堂深人獨來前日平泉門下  
客一花一草搃興哀

宮墻

一片摧頽當道危風前竹色想依依偶逢白髮宮前  
叟指顧因渠得禁隄

秋澗先生大全文集卷第二十七

甲辰八月廿四晴爽校

秋澗先生大全文集卷第二十八

七言絕句

故宮遺石

華陽遺宮土花碧依然萬石如林立憔悴崩雲偃月  
姿畱與都人作寒食

至元十六年誕賓前二日同賈漢卿遊上方光教寺謁相上人  
不遇因賈往年畱題五詩清新婉麗煩襟為灑狀也亦畱詩  
歸問仍用其韻為鑑堂一笑

紺碧亭午影涼同來共坐贊公牀拖條拄杖誰家  
去借問山僧有底忙  
出處何心燠與涼適來真是兩繩牀分司不作埋輪



去虛抱乘崖救火忙

古寺僧殘艸木深寶香猶足散煩襟雪窓不到聞猿

句幽鳥還驚恨別心謂漢卿明日北歸

萬事無端起六根蟻旋蜂鬪苦紛小間來莫厭僧窗

話暝坐團蒲到夕曛

花木禪房一徑幽生平奇勝愛窮搜八門便得清涼

界信有人間六月秋

閒：公正大二年為慈聖兩宮重修寺碑說寺蓋

夷山之地唐令狐楚愛其奇勝曾居於此塔係唐

新羅僧智照用海船運新羅琉璃殿所建

閒人愛作靜中忙細和新詩步繞廊老衲向人誇水

異一甌春露雨花香

流杯池

九曲彎環碧玉圍錦香吹浪下龍池一觴修禊宮中

舊正是梨花雪滿枝

太白捫月圖

詩中無敵飲中豪四海飄瀟一錦袍千丈醉魂無處

着青山磯上月輪高

問次千秋山圖

五年官守晉州城伐石堙山日有程展放畫圖還憶

得姑山黃葉正經行

李白醉吟圖

長庚風彩月爭輝力士傍無識子儀白壁莫嗟疑有

玷夜郎風物要新詩



題蘭廣寧望海寺詩

同年樂用之為錄二詩贈仁甫縣令

金到明昌事、新粹然一氣變斯文試吟望海樓中  
詠轉見飄、思不羣  
遠懷世契密明德、適述先猷極孝心舉世泯然哀俗  
裏兩家風、詛見來深

紫陽觀雜詩和西溪嚴韻

袖裏丹砂照夜紅、市人爭識漢壺翁南都花木春猶  
好長在先生杖履中  
心安已契長年訣、道寂能開不二門我亦靜中存夜  
氣此身之外欲何存  
落日沉迷簿領中、乘閒時過紫谿翁請師莫作功名

看心似浮雲度太空

片言理到釋群疑、不待諸生入管窺收却藥籠無箇

事一簾春夢落花知

坐忘不戴遠遊冠、是非了不干欲識紫陽存養

力一簪玄髮頰浮丹

緼網元氣化雖精、起滅漚如一唾輕為問壇邊聽經

鶴人生何苦未忘情

余年齧齒出京師、想像繁華夢覺時前日石壇揮麈

處故宮真似黍離詩

昌黎一序了仙翁、絕西溪意匠雄從此夜窓虛白

滿滌除玄覽見冲融

一壺天地市朝間、施藥歸來晝掩關幽睡不知紅日



晚青山誰似白雲閒  
壤壤槐宮蟻戟空  
銅駝陌上幾秋風  
一身歸潔何難  
有人重清時濟物功

宮井七絕

團、鴛鴦露盤秋玉潤  
砂紅湛碧流  
多向內家供頓  
後餘甘翻麝人茶甌  
野粉侵淫暗漆花  
玉床零亂卧泥沙  
羸瓶敗繡初無  
擇波及都城十萬家  
高梧陰幕掖庭西  
清此中冷甘此飽  
今日道傍塵穢  
滿秋娘憔悴渡江時  
清時瑤殿引瓶金  
百尺還聞墜水音  
想得日長宮閣  
靜玉盤珍果看浮沉

金屑離、泛曉光瀛池通氣濕  
嬰香六龍不挽清波  
去忍給吹脣燕御林  
事、宮庭到可珍  
我因懷古故來頻  
一泓雖在當時  
水終似上陽白髮人  
行八空宮重嘆嗟  
倚天金碧墮塵沙  
景陽留在烟時脂  
井似與都人續夢華  
後三絕和西溪韻

武元直雪霽早行圖 謝宣慰

亂峰疊巘玉峻嶒  
危棧何人趁早行  
似我姑山新道  
就神居東崦聽鷄聲  
予官平陽時開姑山道甫成夜雪大作未明試車下故云神居  
雪擁天山六月寒  
冷雲西北是長安  
行人馬上揚鞭  
喜猶勝南荒作熱官

侯敬甫四題同西溪賦



昊天報德詩人感，號慕終身大舜心。舉世靡然哀俗裏，一家追遠見來深。

怡：和氣滿春臺，天顯魯忘鞠子哀。說似升堂興起客，功夫元自孝思來。

德積子身報自豐，君家境植先深功。友于堂下看林樹，漸與三槐氣象同。

絲：萬變一心微，止水能澄見是非。客去妙觀尤有得，滿簾春日靜朝暉。

跋唐申王畫馬圖

內府曾觀鐵筆驄，又於此紙得真龍。却疑決雷奔虹異，不到少陵題品中。

題劉平妻胡氏殺虎圖

獸猛其如義烈何，揮刀峻絕魯陽戈。哀：哭絕東山婦，恨入秋空淚謾多。

重陽前二日全大季長畢茂先酌七賢祠下

滿眼青山落帽風，七賢祠下一樽全。雲烟顧盼來能幾，白髮相看搃老翁。

蓮社圖

莫恠淵明從遠公，髣髴禪榻偶相同。談空說有知多少，都在龍眠意匠中。

三教玄風盛永嘉，後來諸子更紛拏。淵明興在東籬菊，獨泛秋香亦自佳。

一誕相誇陷洛郊，流傳江左到滔滔。杖藜首見淵明



畫裏龍眠意最高

贈唐縣李縣尹

按部次堯封教官石雲卿來訪因話縣東  
有前鄞尹李君年六十四雖武人性意學  
己卯夏自浙東歸載羣書滿家將遺之子  
孫以疇夙志吁可尚也余聞之喜而不寐  
明日元旦躍馬來觀出經史子集及未見  
書七鉅箱凡千有餘帙富覽間偶得是詩  
論語所謂十室之邑必有忠信者李君

人  
蔡國公將

事來向王充閱異書

田間炬草照西東止是農家卜歲豐不為兩椽茆屋  
底白頭還得愛書翁

唐之農家元旦然束草於  
田間視其所偃以下秋成

庚辰歲唐縣元日

堯封今歲遇新年欲訪遺風已渺然願效老人三獻

祝至元

天子壽如天

吾皇仁聖邁唐虞寬大息頌歲首書正擬乘風開濁  
浪忽隨疏網漏凡魚

宣和珍禽圖

紫烟阿閣鳳連巢瑤圃飛翔下絳霄踏散木犀花上  
露翠襟丹喙不勝嬌



和唐邑教官石雲卿見贈詩韻

自笑鉞刀效至剛，夢中揮筆走群狼。  
東皇若假春風便，放使諸山草木香。  
已卯除夜次唐邑夢登一城有數  
狼前行以尺筆揮之皆四散而走  
又見一豹無首前窺

完州道中

使符按部喜同分，首自行唐入保垠。  
誰着分司王老子，杏花香裏過今春。  
是年同出巡按官韓君美  
梁韓二簽事大使王西溪

過蔡國公第宅

南衙路斷歸時貴，東第堂空設總帷。  
鉅室顯知神鬼瞰，一簞顏巷來為悲。

庚辰歲人日前一日書夢中所見

碧樹翻香滿洞春，一聲長笛隔花聞。  
似嫌燕語鶯吟碎，暖噴宮音過夢雲。

題木蘭廟

廟榜曰孝烈將軍，在今完州城東北隅。  
至元庚辰正月十日來謁，土人稱昔木蘭戰  
此得功，故廟有熙寧間知軍事河南錢景  
初題記并所刻樂府古辭。

春風奏凱入明光，不願曹郎歸故鄉。  
今日西山見遺廟，薰蘭根異死猶香。

迷離撐握雜雌雄，萬里持戈此建功。  
因見漢家征戍重，盡興問左尚秦風。

登完州城樓，州是古北平。又曰永平，即漢  
曲逆縣地。故城在今州東廿五里，即高祖



云余行天下見戶口夥繁獨此縣與洛陽  
爾故城西南有大垠土俗相傳為陳平墓

土人稱墓曰垠

漢家山東二百州當時繁夥此為尤朝來指顧城樓  
上斜日荒烟草樹稠

望郎山有懷却陵川

太行鰲掀東入海鼓鬣高撐霄漢間一自詩仙黃壤  
隔風雲空鎖碧峰間

張九元帥哀辭并序

不肖與公既昧平生哀誅有述似涉無從  
然聞公幼敦詩禮長識風雲雄畧英姿為  
時名將始徇江淮厥績已著及平二王雋

功獨高壽年未遐天遽奪去故作是詩于  
以為國哀而寓天下之所共惜也辭曰  
瘴海波澄戰血紅

朝無幾病籠東異時悖史論書法當與將軍死事同  
盛說將軍禮度寬訃聞中外不勝酸可能秋月臺前  
沼便作悲風易水寒

英姿颯爽戰酣來夢裏神交一喙開弓劍永隨秋草  
沒春風吹恨上金臺

一曲鏡歌變八哀扶桑宿霧若為開我雖不識將軍  
面苦聽鼙聲惜將材

蔡國高勳上將壇九郎又領俊功還遽教零落蛟龍  
匣千丈神光失斗間



曲中有悞時為顧時見巴丘蘊藉姿不似九郎橫槊  
裏笑驅風月不新詩

堂萬里常山陣首尾橫穿海道空凌屋未圖元帥  
像樂歌先奏二王功

前日長歌入漢關今年埋垠九重泉應恰一段江山  
秀再到人間又幾年

劍騎前頭揭認旗風飄笳鼓入雲悲眼中部曲渾依  
舊不似樓舡八海時

標柱紀功超漢將臨江觀陣惜奇材更憐一片金陵  
月冷送哀聲萬里來

風吹大樹日瀟瀟雄畧無由覩嫖姚暴骨莽如天似  
悟不容勳伐蓋東遼

風翻素縵天為慘柳拂朱旗露日乾雞水不供門客  
淚即山空倚戟交寒

水邊臺榭月邊樓席遊彪亡共一丘羽扇冷隨秋月  
暗銘旗高颺竹烟愁

保下春夜

金臺池館錦屏圍烟柳風荷蕩碧漪景物縱疎猶可  
愛畫舡春水放燈時

諺語新年百草靈燕遺襪檜多能就中兩地風光  
盛東府風鳶保下燈

題抱陽山張燕公讀書堂在完州東北廿里

富貴功名恐等閒丈夫臨事節為難挺然不附姦臣  
請似覺功夫出此山



書龕高倚抱陽雲萬壑天葩發異芬莫訝相君潛伏  
久東封西祀要鴻文  
凌閣勲名煥日星豹藏於此貯精英江山萬古風雲  
筆未覺前賢畏後生

贈孤月老

明月靈臺到炯如清光元比衆星殊豈知影落千山  
底以德者來不孤  
携筇偶入贊公房照眼驪珠夜有光臨水起亭他日  
事為渠題作墨君堂為觀蘇黃二公手簡真跡者數幅

祝香保定文廟

泮宮絃誦育多才視作尋常事可哀羣吏近雷閭侃  
色正緣文廟講書來

遊張將軍山林

至元十七年二月朔同苟嘉甫尚文蔚遊  
保城東張將軍山林置酒松臺因話却奉  
使朱家洲事

亭北臺傾老樹歌夕陽淡一鳥飛遲一樽細話朱洲  
事天道幽冥未易知

跋雪谷早行圖

壺口山深石徑開六花一夕浥浮埃披圖憶得經行  
事夜半盤車下嶺來

題武遂朱君挽章後諱和字信之

簿領微勞到贊襄改圖真見此心良更將一片西湖  
水波及奎即見不亡

吏業出身子  
公奎字君璋



新安道中

長陂極目麥青青，揔是當年鴈鷺汀。二十四橋春水外，野人指示望鵝亭。

官舍即事

醅醪點雪柳垂絲，簾映虛庭淑景移。八尺風漪紫藤滑，清和天氣未暄時。

題節婦盧氏銘後

節婦墳臺博陸南，九原不化是貞心。儼然一片松陰石，只與西山共古今。

祁陽道中

鶯啼花落已無春，四月田家更可人。雨後老農催種早，風前紅袖採桑頻。

行人不為送春忙，一雨千林草木香。馬上綠陰三百里，直看春種到祁陽。

一春勸課歷郊墟，路入祁陽氣轉愉。夾道錦韞州太守，隔林紅袖趙羅敷。

題孝感聖姑廟壁

分司巡歷帶農官，來禱靈壇為歲寒。一炷寶烟神意暢，祥飈吹下鳳雲冠。仙去清溪事渺茫，女功留在故園桑。春風蘋滿汀洲綠，吹作凌波步韞香。卒歲誰能不製衣，為蚕來禱聖姑祠。何當雲葉翻香雨，潤入柔桑綠滿枝。

題董左丞墳林



大樹滿、綠滿林蒼烟埋沒石麟深  
兔葵難道無情物猶學將軍捧日心  
南海揚旂開百越北風漏網有奔鯢  
多應奪去忽、嘆斜日宮中聽鼓聲  
董相墳林南董里九門東下京城西  
千年孝繼忠傳業萬字豐碑看御題

明皇私語圖

人老逢秋百感催夜深私語自為媒  
祇知海嶽情緣在不道生離有馬嵬  
盈、一水隔雙星不似行雲侍錦屏  
歡樂幾時憂思集碧梧秋雨待君聽  
秋滿驪山有所思海棠紅盛鬢華滋  
細思夜半銀屏

語、總是三郎嫵媚辭

戲題階前玉簪

露影幽香濕西簾美人睡起未全快  
只疑冷墜搔頭玉月暗雲階欲懼拈

題郭都水若思祖行實卷後公善推步美  
數隱德君子也 邢臺

天元章會到玄機星曆推來一理齊  
襄國至今傳異事門前駕水亦曾西  
龍崗拱木秋風老燕處猶懷隱德尊  
黃極不埋身後數青雲今見起家孫

鎮陽新居

行馬門施擁豹幢德威端稱使君堂  
不應花影潭心



月昨夜分光照客林

一作綠水堂前月  
綠水海子園堂名

嵇侍中祠

在湯陰縣西門外二里

八王雲擾亂中華義士何辜掩戰沙懷惠懦庸猶晉  
祚爭教移鼎入牛家

侍中精爽有無間霜葉猶疑血點殷一節見危能授  
命陸機回視恐慚顏

沙河道中

昨夜清霜比雪寒彫殘群木柳宜先朝來信馬沙河

道一風前翠影圓

西門豹祠

在豐樂鎮東南一里

古人辦事笑談中長愛西門禁暴功邂逅馬遷稱善  
史不應排比滑稽雄

光武廟

在柏御城北十八里寰字記云其  
北名壇亭乃帝即位之地也

柏臺袍鎧鳳花紅一體君臣祭祀同前日洛都城下  
路荒烟無地認南宮

矢策文淵上將功雲臺英烈儘爭雄可能祇為樹房  
戚不在龍姿婉孌中

滏陽道中

累遺塚覆園甃半是高齊與魏陵千古是非全一  
盡墓攘終為路人憎

王化呂仙翁祠

梁甌猶炊一枕回繁華能幾暗興衰仙翁祠下無窮  
客不道都從夢裏來

題杜郎中二子字說卷後

卷後

三



燕客儀容雲表鳳，紹宗英秀掌中珠。故家正有新詩句，不到徐卿第二雛。  
子公慎獄起高門，積德而昌見後昆。正似紫峰遺澤遠，青衫還有讀書孫。

題劉大用畫草虫手卷

蠕動翺飛自一天，眼中風露發清寒。筆端正有坡仙樂，莫作宣和藝本看。  
東坡墨戲出新意，八詠復見河陽劉。夢到草堂風露底，碧花籬落候虫秋。  
格物先須論致知，古人圖史發幽奇。多君夢到周南

繪出幽風七月詩

公堂即事

心曾澄治略無私，蟻聚蜂喧任一時。正要至誠相感發，不須臨事涉多疑。

宣和寶石圖 凡十六葉

溥雲萬態煥金書，染出湖光照坐隅。不道漢家規制遠，泰山磐石是基圖。

岳廟謝雪偶題

至元十六年十二月廿四日也

岩堯觚爵動雲霞，慘淡陰靈黑帝家。恒岳所臨風雨好，不須飛石示雄誇。  
野老題詩語最工，表余精禱與神通。爐烟散處雲生野，祝板宣時雪滿空。

偶得二絕寄府尹史子華

離、殘雪點山郊，麥壠埋深不見苗。春在草根泉脉



底淡黃先到綠楊梢  
人說中山有父風久從眉字得冲融燈前近閱唐房  
案轉見公明簿領中謂牧羊地議劄等事

曲陽道中

軟紅沙路柳條風雪擁陽坡見曉融細繞嘉山三面  
過唐河東北望堯封

癸未年二月九日雪

東皇且莫認來真開却花封占好春一夜雪花深數  
寸肯教桃李露精神  
幾日輕陰兩氣氲凍殘花柳望春溫不知一夜豐隆  
意散作銀沙藥麥根  
去冬寒泛過常年節近春分尚凜然驀地雲開風日

好暖於南國賣飭天

大都即事

一資半級到銖分往趨遷越等倫除目豈徒傷道  
念飢寒常有幾千人  
薪如束桂米量珠二月中旬凍未蘇笑殺九遷金馬  
客半年僵卧聽除書  
創行敢効木求魚例進難子上坂車會取一陽潛九  
地春來葭琯氣舒徐

燕都萬壽宮有梅一株每歲移置蔭中逮

春仲方發藏今年得花滿枝雖水姿的皜  
香色髣髴終強顏也戲題二絕以自况云  
仙家有術鮮歲春蠟帝雖融凍尚皴若比百門山下



見強顏還似聽除人  
冰姿難倚暖回根  
人力封培氣始伸  
蓓蕾看來雖勉  
強一枝猶冠漢宮春  
時進獻東宮

即事

無着必須循體例  
有依便指是人材  
區區桃李栽培  
手恐負東風一例開  
朝鐘暮鼓惜蹉跎  
有例臺除半歲過  
不是馬周無伎  
倆翻來覆去幾常何

都尉王晉卿畫着色山齋圖

坡僂寶墨妙通神  
都尉丹青要擬倫  
欲識淡粧濃抹  
意髻鬟渾似鏡中人  
半生翠繞與珠圍  
不為槐根夢已非  
老去紛華心自

得筆端時到野人扉

惠崇蘆鴈圖

雪灘風竹映寒澹  
水宿雲飛未易雙  
不似鴛鴦沙渚  
暖翠紅相倚  
睡春江

小桃

小桃開徹淡胭脂  
不出初春未半時  
二月朔風吹石  
裂依然憔悴簇枯枝  
梅粉飄零柳未烟  
一枝春色獨當軒  
今年盼得紅苞  
拆風雪禁持第幾番

清明節近無自日  
桃蕾含芳又幾朝  
今日簷前看春  
色一枝總見褪紅椒

題日者詩卷



侯鯖熊掌味能甜舉世者來意欲兼不似君平安素  
履一爐香燼靜垂簾

蔡琰歸漢圖

明妃光寵照龍沙枉說琵琶憶漢家去任兩難心最  
苦就中哀怨是胡笳

和劉仲修見示十一首

今歲餘寒過往年東風無柰雪花顛幾時不禁燕室  
酒蹴踏陽春醉十千  
野鶴昂藏本不羣剛同秋隼下翔雲近年轉覺謀  
生拙半仰公田半賣文  
舊城行出入新都驛劉堅求硬聽除馬上相逢還自  
笑背行今見兩茅廬

老成

清羞作嘔嚙生柏室

多少間花不識名

列朝班不厭絲久踈鴛鴦入行分迫年借就袍和  
笏喜向龍墀拜

聖君

滿紙新詩說遠遷淮西依例住三年若從清議先才  
恐不多時又着鞭

先聲光動弩臺春八手行司又一新長記髯兄相晒  
睐一言同作兩淮人

多角霜稜兩劍寒瘴烟都上筆頭乾十年搏擊秋風  
裏蜀棧盤空不覺難

月旦評中見壯圖不應齊魯摠真儒別來又嚼冰霜



健筆鋒銛似董狐  
屋燈清語夜闌一杯長話浣離顏朔風半夜驅車  
去詩在寒雲石嶺閑

東風剪剪送春寒望田家惜雨乾無事在家貧亦  
好有心行道古來難

虎豹九閔圖

九重關鍵錦斑圍蟣虱微言語可知首闢四門明四  
目定書深意見宣尼

春夜獨坐

閃閃寒缸照夜昏眼中時事不容論近來鼠輩欺人  
踏碎承塵似馬奔

寒冷似深冬曉日空燒海色紅一樹杏花

伴人憔悴倚東風

梁園節序不相饒正月初旬凍盡消長記東墻微雨  
後一枝紅艷杏花嬌

風物淒涼近禁烟敵寒無酒客衣穿楊花搃道多衣  
意撲亂春衫不當綿

細草根深綠自叢山桃含凍尚能紅垂楊可是寒欺  
得半為剗中半蠹虫

鞭石圖

洋海求仙已渺茫又鞭羣石駕飛梁帝功不出仁和  
聖固念元來便作狂

檀州門外觀隰河春水

西山諸水頗齟淪合入渾河不自存昨見春冰絕泮



處滿川都作濁流奔

二月廿八日端門街觀

乘輿還宮

龍烟日暖紫氤氳春水

回銮萬馬奔纓杖遠揮清蹕後漢儀光動御天門

麗日紅翻御路沙青山回抱漢宮斜

吾皇遊豫諸侯度縱使都人看翠華一作望

年一原廟薦駕鵝春水秋山例一過安得採時姚右

相為

開三面說湯羅

綏旌前導鸞旂遠玉輦高承象駕雄賜異不矜三殺富

渴賢思得渭濱熊

鎮國寺觀迎佛

九曜趨降世聖尊象車香滿綺羅塵人傳此枝

中宮製上下雙輪轉十人

漢成帝幸張禹第宅圖

王氏當朝久惡謙幸回天鑒絕萌芽恬然不主天人

斷長恨安昌負漢家

孔子曰政事惡謙而善肅出李石博物志

與叔謙太常論書

翩、每愛太常書姿態還同靜女妹儘是淡粧宮閣

樣豈知東抹與西塗

相過閒話味何長字、顏書人品量握手正當吾意

處畫須圓勁體須方

近年書學果誰優說道寥休有悟頭意態偶從駢字



得千金駿馬倚山丘  
半段殘槍路偶逢  
開鑪便作鑄鉚工  
君看王趙凌雲  
筆來自浯溪  
慘淡中

鵬雲九萬平原筆  
望蘇黃甘下風  
誰為南唐金剪  
手敢將田舍比顏公

篆隸中追三代古  
風雲重策二王功  
遺山不見裴叟  
帖枉着雲臺說米雄

雲蛟家廟駭盤拏  
著作姿容隱畫沙  
後世若從書法  
論混淪磅礴是承家

將軍懍敵銳於虎  
舍豈能為必勝哉  
今日遺碑見顏  
筆英姿颯爽漢雲臺

天山飛將指裴旻  
書到吾顏迫不羣  
不為策勳雲鳥

陳至今冠劍氣凌雲

朝叙卑高倒屣冠  
寓書還等義方彈  
一絨遺草縈蛇

蚓千古狐狸照膽寒

檢校秋官祿食難  
顏宗收養半乳鰥  
當時米東無多

思李相因書重泰山

小楷東方出右軍  
丹青難寫是精神  
孔門弟子多才

藝有若唯能肖聖人

次山歌頌漢文章  
書到磨崖日並光  
具眼鹿菴曾有

語筆間元氣總三蒼

蘇寬截耳殷姑節  
詈賊天津是大元  
斷辭幾行移摹

帖九泉相值死猶生

雜詩



野人家具取宮中，適用都輸瓦缶功。君是荆宮瑚璉，  
璞得來，纔待費磨礪。

較量暮四與朝三，初不多爭讓。愧慚戀，不成丹闕。

夢劍南才了，又湖南。

夢歸故國，蒼茫外，春老風沙慘淡中。辛苦西臺，下

栢不成，還作柳花空。

昨日清明塵障面，今朝上巳却晴明。老天氣候初無

定，敢倚虛名作實行。

人家構室要幘幪，小木枝撐易作功。汝是連雲棟，隆

物得來才費梓人工。

萬壽宮芙蓉杏花

玉粘瓊綴露華穠，幻出高枝見化工。不著上林春色

底粉香吹滿步虛風。

滿意春寒強自妍，槁枝無葉更蕭然。莫誇百葉玲瓏

巧，輸與垂楊護暖烟。

活色生香貯好春，橫斜燈影似梅君。多情唯有東墻

宋夜，幽窻夢彩雲。

開簇生紅滿故枝，今朝看處雪離披。一春幾日風光

好，素影幽香只自知。

徽宗畫周靈臺圖

靈沼臺高倚碧霄，當時魚鳥被恩饒。可能積德千年

久，盛世看來僅四朝。

徽廟初年布政優，丹青揮灑想西周。其如熾慾橫流

后，花石綱船墊九州。



秋澗先生大全文集卷第二十八

八月廿四日燈下校補是日寄南陔閣中書

秋澗先生大全文集卷第二十九

七言絕句

題武元直畫巢雲曙雪圖

千丈雲巢曙雪寒清談誰似二公閒  
京師三到凡三見夢繞烟林紫翠間

蒼雪亭為劉叅政賦

將軍城市有山林亭下雙松鎖翠陰  
一夜雪花來點綴蒼苔特表歲寒心  
蒼雪詩成玉局翁左山題扁取清雄  
翛然坐對橫枝處不到東華踏軟紅

過賈左輔墳林

雲陣橫陳賈氏林蒼煙埋沒石麟深  
堂下地下開天



業只聽黃鸝送好音

桃花瀉鵝圖

桃花瀉鵝滿春江  
睡暖晴沙夢亦香  
何處秋風南去  
鴈斷雲寒影不成行

荅楊元甫問

勁於屈鉄無強梗  
媚比嬌姝峻潔貞  
元甫見詢曾安  
荅筆端流潤自圓生

荅劉少卿顏書之問

仙壇郭廟入関文  
襄國濠州半籀分  
五帖論來皆具  
體就中勁潤是殷君

留別簽事張鵬飛

鵬飛簽事以三詩餞行  
甚有情致但愧襄



共山下送征驂卓水歸時超醉題十萬壯夫飄洒  
處一燈長記宿筠溪

筠林暮雨

入定州北門偶得

千雉嚴城鼓角寒當年韓富倚為安後人苦笑書生  
懦白羽風雲屬將壇

雲林曉汲

家住青林杳靄間瓦甌乘月汲冷澗山中道士金椒  
客煮盡谿頭白石圓

山中雜詩

路回峰轉認山形周折東來似曲肱偶倚斷崖南北  
看兩鯨挾輔一龍騰



長風吹雨入山門洗淨埃塵面目真領取封靈相敬  
意儘堆空翠待詩人

騎乘藍輿步搃宜雨晴龍首有餘姿興來題破蒼苔

石記我青山獨到時

涂童絕觀曉烟蒼盡得東峰草木香鞍口<sub>逆</sub>西山更

好惜教無力到禪房

山前三院說中溪蕙帳空來夜鶴悲一片短碑堪晤

語宣尼堂下久楮願

又題鹿菴與王子襄先生手書後

一代高人王鹿菴幽潛來住百門龕詩瓢藥室甞當時

友政有先生德不慙

劉齊王讀書直室在阜城北墉下

當年齊相讀書堂此日金華表佛幢碧色尚餘書帶  
草綺疏猶是聚螢牕

平原縣有懷顏太師忠節

羯奴獵火九州空平地孤城與抗雄十七郡兵同日

集奮從吾守倡孤忠

紀右脅誌文

昔相工謂王欽若貌異當貴或云鼻斜何

如曰他日作相自正後果然予右脅有六

紅誌一黑子狀成斗文其黑子終非同色

又遠而不應曲詰至元廿年二月廿一日

因<sub>治</sub>路出見一紅誌忽生其下遂足成杓狀

吁亦異哉因書此以紀其生發月日云



脇間素有七星文，黑誌權杓遠且昏。忽出一星為補正，隱然高起更紅溫。

讀老泉先生審勢審敵二篇

清時無故厲兵刑，審勢雖深衆目驚。轉首翠華率率去，老泉幾策見來明。

二虜先須一掃清，萬方然後論升平。周文未免昆夷患，却訝先生以筆爭。

赴任濟南前次黃崗作

征車輓二旬間泥雨長途備阻艱，行近黃崗都忘却一峰金翠得華山。

今年東赴濟南行，帶雨拖泥二十程。只為此身饑凍迫，幾回辛苦歎勞生。

過濟河縣北晏嬰城

一製狐裘四十年，當時功烈管差肩。細思歎對崔門語，又見臨機勝趙宣。

三士輕生死，二樵善謀誰。似晏卿豪朝，未采邑城東。路欲訪林丘，掛佩刀。

濟河道中

今稱為濟河，蓋偶忘點水耳。地名耿濟，後漢耿弇破張布於此。

甲子東遊入泰安，封壇日觀總躋攀。誰知二十年来後，却向齊西看泰山。

匡山

匡山說有舊茅廬，李白當年此讀書。嵐氣宛如吟醉重，野雲時學字簡編舒。



公堂

鳧吏前頭擁簿書，午衙急散日停晡。  
南山翠倚公堂上，終日相看有若無。

九日登歷下亭

當年歷下富材賢，李杜文章兩謫仙。  
此日風流俱不見，秋烟空濕採菱船。

周文矩雷劒化龍圖

圜底幽光見斗間，張華腰領不勝寒。  
躍淵又作雙龍去，在晉當為變恠看。  
飛躍陶梭化葛筇，潛龍無跡與神通。  
披圖勸 延平事又在雷公劒室中。

右軍書扇圖

偶愛蒲葵扇影寒，拈將揮洒動雲烟。  
情知龍躍天門筆，肯與兒童調百錢。  
王謝當年奕世豪，東山清興更滔滔。  
不應經略中興志，留在書名與日高。

春閨怨

花落閒庭燕語新，東風吹夢濕行雲。  
就中最是閨情處，一寸春光爛錦文。

爛者爛熳之爛

甲申門帖子

一卮春酒酌門扉，入手新年所事宜。  
却愧白頭官舍底，苦無明略佐明時。

偶書

人無定志何從好，事到難量尚口行。  
一理縱能消百



妄物情其奈正逢迎

周文矩勘書圖

宮槐陰合玉堂清  
書葉翻香入細聽  
內苑近來游宴少  
太平天子要傳經  
鈴索無聲到玉除  
一時人物在瀛壺  
細看簪盞翻經處  
當日安知不有吾  
花壓欄干淑景移  
一枰閒煞玉堂基  
日長政有書樂未礙  
從容下直遲

周昉畫楊妃禁齒圖

海棠春睡儘紅嬌  
苦端二郎厭早朝  
人到愛深無福相  
捧心頻處更妖嬈

題張季雲先生山莊圖

今為

儒將風流素所期  
兒時幾讀霽雲碑  
誰如凌閣功成後  
喜對張卿賦此詩  
却馬巖居是素懷  
莫嗟終老未曾諧  
天教一敗衝冠氣  
散作恩威震兩淮  
思長本與風雲會  
山迥空圍水竹幽  
說似野猿休北望  
建封勲業在徐州

公與徐州帥牙吾  
答相得甚驩  
官幕府日久至  
蔡改吏部郎中  
死沛縣牙吾答  
即盧國瑞也

樓居春望圖

翠斂雙娥底事愁  
不緣春去落花稠  
歸鞍未得朝天信  
望斷東風燕子樓



徐熙折枝果圖

紫陌春風窈窕歌昇平花果夢宣和寫生忽見徐卿  
畫碧爛紅鮮發興多  
後庭新唱滿深宮已覺金陵王氣空畫手忍將亡國  
淚筆端秋實染春紅

趙大年雪霽聚禽圖

風雪龍沙萬里行當時先兆見丹青不然純綺豪華  
習滿意荒寒落鴈汀  
點綴烟林意儘妍沙洲鳧鴈見荒寒君看小景都盈  
尺展放江湖萬里寬

又題美人却扇圖

中饋蘋蘩女所思春風何意醉瓊枝畫家解寫行雲

夢不見樊姬脫珥時

大禹泣辜圖

真淳氣散不復古科條漸似秋荼深道逢胥靡連沍  
泣灼見當時罪已心

陶潛夏居圖 徽宗筆杜  
嘉甫家藏

襟懷嘯傲義皇上晉宋興亡筆削中千古此心誰會  
得颯然時有北窓風  
吾廬瀟灑風烟外詩思扶疎樹影中典午廢來何所  
事五株楊柳自春風  
庭樹交柯綠蔭濃欣然忘却草堂空更憐彼稷懷新  
處漠、平時遠風

題李伯時畫陽關圖 霍清甫家藏



晚唐聲教限羗戎才唱陽關慘意濃遠節每矜殷侑  
壯略無離別可憐容

別淚重於烟柳雨離愁長似玉關程就中儘是銷魂  
處不待聽歌第四聲

題梵隆古畫雅集圖

係內府畫上有紹興  
誌今為霍清甫家藏

龍章紅爛紹興文八手休驚玉盃新奎壁細看輝映

處半為元祐黨中人第二句一作內府芸香祕幾春

題杜莘老春融秀嶺圖

三分春事二分空料峭寒生破曉風今日簷前天色

好山嵐全似卷中融甲申春  
大寒

題李龍眠畫九歌圖

忠不忘君苑即休修辭空說九垓遊大招、罷何曾

到摠為君王返國憂

遊歷山南寺因題其壁

暖烟散處只空崖俯瞰城居亦壯哉寸草丈山千樹

出不容濯、嘆無材

江貫道畫江山萬里圖

抖擻衣塵整多冠踞、終日簿書間何時得卧扁舟

裏飽看江南萬里山

繁杏錦鳩圖

繁杏梢頭淑景新錦鳩呼雨、初旬儘堪活色生香

裏擁頭雙栖過一春

過青崖山

上有園臺幾頃餘上有老嚴公手植  
柏今為大林麓矣

鵲巢東下望青崖武惠當年幾往來欲說雄圖中竅



重至今東魯號多才

一作欲話霸圖應寐  
冥蒼烟深處柏園臺

過道即寄時伯威

泰安教授名震

岱宗回望漸微茫空翠隨人過道即三日魯瞻亭上  
一樽風味詎能忘

題山谷家乘後

紹聖初看喜小康宜州天氣固難量一壺醉倒牂柯月  
千古南樓飲恨長

宿東平南衙

昔年曾預幕中籌白首重來正素秋却似絳園春睡裏  
幾聲鷓鴣五更頭

黃石公祠雜詩

北上當年駭異逢韜鈴全授佐時功傍人指說山頭路猶見

蒼顏彷彿中

翹首祠南翠阜重副車如碎浪沙東純熙躋造摧秦  
楚都在先生指授中

此邑彬、富碩儒山川英氣未嘗虛不須苦泥函中秘

夜半重來覓素書

東阿前金時自張萬公高子其正  
清卿侯莘卿以下進士第者二十

餘人

此老當年一隱淪後稱黃石圯疑神野人莫說山間  
事洞穴無情草自春

謂黃山洞穴山  
顛所立石也

良授書來知益奇一時籌策係安危楚人不逐哀歌  
散白首空懷抱石悲

千古陳言雜偽真丹青難寫是精神護軍史筆端如  
畫北上風雲逐日新



今古文章不自工，後人公論見清雄。  
壁間細閱題詩客，笑煞騰兀翁。  
老後復曰兀翁，黃石祠有詩云：天其既與赤帝飛，卿也。二公爭相為已。詩者數年遺山聞之曰：詩則非佳，爭之意甚可為一噓也。

郭將軍巨廟在肥城縣西水里村南山上，土人云巨嘗趨熟來此，欲瘞其子於村傍，果然余以謂孝忍者也。

家宴時供菽水，難豈堪孫息共盤餐。  
生理設若全純孝，不念將慈變忍端。

水里山頭郭巨祠，歲時香火野人思。  
反哺因羨慈烏鳥，斜日歸飛滿樹枝。  
一作啞，却羨慈烏鳥。

繼司毅夫韻題野堂壁  
毅夫名仁

郊居靜有耽書樂，客至都忘憶歲災。  
喜向壁間留語去，草堂樽酒記曾來。  
眼中故友三年別，霜後春桑一例灾。  
暫解歲憂談士樂，馬頭遙指野庄來。

武惠公故里  
在長清西五十里，今稱鵲里者是也。

鵲里西連武惠林，蒼烟埋沒石麟深。  
固應千古桓公業，長聽黃鸝送好音。

遊百家巖雜詩

月池懸溜落蒼窪，岩竇分居可百家。  
不羨碧瀾秋色好，倚天驚絕赤城霞。  
龍鬚草細雪婆婆，石樹交穿碧玉窩。  
欲訪鍛爐懷舊隱，老僧指示隔烟蘿。



山居最苦水泉怪，明月池深湧碧澗。寺仰以清山藉  
潤，細教螭口瀉高寒。山烟起處竹林蒼，白鹿兔高半夕陽。長嘯至為鷲鳳  
去，公和當冠七賢堂。玄髓丹書兩遇難，碧山猶說有仙壇。千年畱在嵇康  
恨，石上清風漠漠寒。亂山合處還排青，闔細路縈紆走白蛇。十里風烟吟醉  
底，柘園莊北日初斜。清醕蒸杭戶，香百門山下喜初嘗。太平有象豐年  
是，翠竹梢頭看斲揚。往蕪門半月高，青帘巷陌總  
窩寓形宇內知能  
對酒當歡不樂何

十月山陽黃落秋，陡寒風色偃貂裘。蹉跎非泥林婆  
酒，更為諸賢一日留。晉隱祠邊落照紅，自來伐木竹林中。且休輕議前賢  
輩，自執牙籌笑阿戎。王烈清泉在碧巔，當時瓢飲致高年。情知泥髓能充  
腹，空使人間作笑傳。

題朱孝子詩卷

道傍積土作高標，存歿中間慰寂寥。見說一方多錫  
類，秋風惡木變鳴泉。中古識封高四尺，朱生覆篲到三尋。所憐哀俗類波  
裏，能見終喪不匱心。門閭旌異對堂封，春在林墟洩樂中。白首已慚朱子



孝荒阡望入漢堤東

予家三代祖塋夾堤東西相望凡三處

長至日同李靖伯過高仁甫新居即事

禮義為方邑不多處心極厚已澆訛首從吾輩家風  
異其柰閣閣鄙俗何

藩籬限隔苦無多徹去寬於四海和昨晚杖屨心適  
喜樂於常棣燕時歌

中唐一席間維藩隱眼高於嶺嶂嶺愛煞西家高老  
子晚沙能暖鵲鷓寒

讀明皇雜事

西內淒涼慘落暉高將軍去事尤危起居聽徹公卿  
表淚拭龍袍祗自悲

元日門帖子

背郭開堂落有成永思遠慰歲時情近逢季主親為

卜華構新年儘笑聲

心事雖閑覺累輕閑心有味勝時榮不妨鄉社浮沉  
裏一曲酣歌樂太平

跋醉道士圖

沙頭傾盡玉雙瓶已醉猶醒百態生若問一中、所  
樂醉御日月自昇平

跋潘間圖

乞食歸來意有餘豈知內子涕沾襦相逢半是潘間  
客底用經營西作圖

跋理宗題馬麟畫折枝木犀圖

花中神品趙昌師又向臣麟見折枝不惜一天風露



潤百杯樓晚要新詩

跋醉漁父圖

浪急舟輕任自由得魚歸去博新筭醉來省記靈均  
語獨速烟蓑笑不休

題卜者詩卷

卜筮精微未易通靜能知遠要深功畏糧去訪賢師  
友喜為題詩送易東

跋徽宗畫百鷺圖

草滿宮池漲碧淵日長靈囿鼓咽轉頭百有于飛  
地漠漠蒼烟是野田

淺溪流碧玉江風標呈處摠真情圖回不到靈臺

辨與樊川詫晚晴

西伯池臺白鳥多二南風化到雍和慕藟只辨丹青

了創守其如宗祖何

乙酉元日門帖子

莫認時榮真福順休從勢利論人情願將風日輝  
氣散作豐年笑樂聲

題德長老夢齡圖

高情千古一坡仙夢入西堂豈偶然只著吾家公案  
論嗜心將至有開先

修齡親說夢中傳寫出梅花樹下禪更愛鹿菴人品

峻不隨王導作周旋鹿菴云好將半桶井華水過與閣黎洗面顏

露堂夏日即事

日長人在露堂閒何物相看慰我顏碧湫方池湖水



滿一峰蒼翠出君山

題遺山先生手書雜詩後 河間王成之收

文鍵親承警效餘又從珠壁見遺書常疑落、江山  
筆不放奎光到玉除

江御雪景圖

勢利嬰兒百尺竿雲臺爭似釣臺間料應蓬底秋江  
夢不到君王物色間

秋江待渡圖

楓林沙步夕陽蒼一棹秋烟待野航江上西風晚多  
急行人歸路不須忙

寒林圖

溪山一雪自幽深都付騷人入苦吟最是畫工留逸

趣筆端瀟洒萃寒林

題水牯圖

姚黃魏紫動遊觀何似田家黑牡丹萬有困倉由爾  
出論功消得畫圖看

秋山訪友圖

瀟、楓葉映青山詩在風烟紫翠間早晚得歸林下  
去一溪秋水伴君閒

闕峙石樓連佛屋灘橫八節走清伊枚藜多是香山  
老斜日青山獨往時

讀後漢西域傳論

世外鴻荒古罕聞角端人語鳥雄尊縱橫最愛宣城  
筆理絕人區略不論 大角端能諸國語極壯



題樂天不能忘情圖

駱馬悲鳴頓玉珂  
停杯重聽柳枝歌  
做成一段閒公案  
轉覺香山長物多

楊柳新聲滿洛陽  
樽前風味老難忘  
筆端拈出新詩句  
似為樊姬作嫁裝

韓白二公老境

日月間心要破除  
香山晚節亦區區  
藏詩葺寺皆餘事  
猶勝昌黎聚博徒

藉也胡為勸著書  
要將斯道濟時須  
情知千古潮陽筆  
肯作分章摘句儒

太一宮四絕

華表人歸鶴未來  
空從雲氣望蓬萊  
西一國來

左猶記中和手  
自我

露濕庭松偃蓋青  
一聲幽磬隔疎櫺  
多應金簡朝元

罷自炷爐香  
讀道經

庭樹滿綠滿廊日  
長深鎖碧窓涼  
隔簾遙見秋來

處一葉輕黃  
隨井床

漠漠陰風轉石壇  
長廊踏破碧苔寒  
呼童徹放松扉

鑰看罷梅花  
問竹安

倚竹圖

天寒翠袖儘輕盈  
暮倚湘筠思不勝  
何異澗阿幽隱士  
長材空抱乏賓興

遊龍門雜詩一十首 共西山名

山到龍門勢轉奇  
千巖軒豁射朝曦  
從教馬足徐



進正是山紅澗碧時

百丈瑤泓湛碧崖杖藜不到是空迴諸人也解詩人

樂挽葛攀藤一例來

龍門形勝自天開細瀉銀河灑碧崖老我世間塵土

夢百年能得幾回來

直上危巔弄瀑流空濛飛洒翠雲表看來潭面無纖

翳人道龍泓似炭湫

冷泉飛下碧峰尖蛟杼綃長萬縷織却為夜潭霜月

苦山靈長下水精簾

龍門峽東石嶙峋只有懸流最可人才到寺臺心已

善竹梢明處拖天紳

上題詩石上休劉郎勸酒薛郎謳竒探不識風雷

若比潮陽更款留

裳舍策上稜層醉裏陳州羨不勝玄極近南雖峻

絕似君筋力尚能登

惜登危馬力微歸時風袖喜披披紫烟暖藉青鞋

穩步下蒼陁不覺疲

山喜詩人作晚粧野烟不幻碧峰蒼婆娑醉藉橫坡

輩更為山英倒一觴

筠溪軒留題

山川明秀在共西人問其中幾杖藜三十年間還默

數青燈兩度宿筠溪

筠溪上好風烟又向幽人借榻眠欲就龕燈尋道

話却成尊酒醉留連



題天慶觀壁

至人心孔有天遊何似歸潛德日休千尺澗松終自  
老一菴閒地且相留  
擾：城居足是非靜觀秋水物空齊近年豁盡爭衡  
氣卧看虛窓日影西  
春畦綠滿桔槔閒吟眺高城有往還不着神光牛背  
上時來支笏看西山  
闕闕都來掌許中白頭相會幾人同時將一盞如水  
酒傾瀉春風滿太空

題史仲威修鄧州文廟詩卷

禮殿修完到大成仲威一日得嘉聲却怜吾郡資庠  
地二十年来断不行

題歲寒齋

松栢青貫四時水中推重為幽姿史君特用為齋  
榜要見貞心老不移

題東坡手簡

文章大節中所立海岳英靈未易招只為峻高人競  
仰有時秦吉作鸚嬌

題山谷手簡

書學推公果若何紆餘全似右軍鵝兩行醉墨南樓  
帖一字千金未足多

寄楊參政

紅藥塔前露氣新五花行判舊經綸除章莫厭鈞陶  
細散在人間是好春



閑中何物慰窮愁細把調元入校讎  
勦破漢中三策意忍從功筆論鬱戾

謝太傅奕棋圖

勝負胸中料已明又從堂上出奇兵  
怡然一笑文楸裏未礙東山是矯情

秋澗先生大全文集卷二十九

是夕又校此卷

秋澗先生大全文集卷第三十

七言絕句

題蘭氏三桂堂字說手卷

當年山斗仰蘭公此日開封有父風  
着眼讀書堂下去又看三桂發春紅  
着一作放

題玉局公所畫竹石秋壑家藏

此老何心作此君一枝中發錦江春  
無窮露葉烟梢意散作先生百憶身

關河形勢圖

關河百二控秦頭滿日斜陽獨倚樓  
設險守邦須尚德每多吳起說文侯  
秦川展掌華山高千古關河締構牢  
早晚去施通濟



手浮航如畫鎖驚濤  
塵閑樓上醉憑欄一片黃流入斷山彼索此強俱寂  
冥山河空鎖夕陽閒

解鞍圖

川流縈世帶燒痕青萬帳風烟扈漢營長記散軍郊射  
罷丹靑月圖上看升平  
蕭蕭牙帳野河春羽獵歸來日未曛展放畫圖還記  
得二年鞍馬過牛群  
高空雲迥射鵬還細草平沙困解鞍醉裏清寒將夢  
去春風吹雪點旗竿

題黃門飛鞚圖

金錯盤陀絡玉鞵春風飛影下瑤池丹青明見驢傳

意花柳深宮燕八姨

年十月幸溫湯詔給辭臣半驢驢家見流雲瀟灑  
處津陽春色曉蒼

讀唐武后盟誓紀

秋日花開未足災有瓜無可摘黃宮瑣問辨着青娥  
笑爭指朝堂鬼朴來

讀狄梁公傳

魚鱉雷恩徧九垓鳳池春色接鸞臺敝袍不染梁公  
血辨作幽囚一聚埃

二馬圖

振鬣長鳴萬馬瘖肯教閒損絡頭金多應縱駕華清  
去飛過宮前御柳陰



讀富鄭公傳

奉詔東來止國門，悔將威克動嚴宸。統爐不合終宵眼，六文方知是聖人。

玉堂閒適圖

醉岸烏紗殿影東，宮花低映酒波紅。興來草罷長楊賦，獨占高槐洒晚風。

淵明漉酒圖

此圖以氣象筆法較之，恐是王雲筆也。雲秦人意，匠多偉麗而少雍容。余嘗觀斬蛟及內殿橫吹等圖，故敢指此殆雲之筆也。然近代以來，如雲之工者亦不可多得云。

秋澗老人王惲序

牀頭新釀漉來空，清濁君看固不同。門外徵車揮已去，秋香籬落醉西風。  
紛：葛屨雜華纓，何物衣冠可重輕。莫若脫來還漉酒，一杯時復聖之清。  
秫田一粒不霑唇，長恐春醪負此巾。儘看輕紗渾濕却，尤勝憔悴染京塵。  
停雲時鳥日從容，長在先生醉眼中。劉宋禪來非一事，五株楊柳自春風。  
蒲輪遠聘亦醜恩，處士雖微實晉臣。常愛此紫陽書法，當不教輕染寄奴塵。

莊宗橫吹圖

郭相西征奏凱還，阿嬌歡寵鏡交鸞。却嫌暖殿春風



燠玉管橫翻曉吹寒  
霸業艱難百戰開  
後心何苦溺優俳  
豈知兩部仙韶  
器搃是君王火葬材

繼周南樂見寄嚴韻

長慶詞人興寄長  
當時元白鬪軒昂  
江山正有朝陽  
筆千古詩壇自一行  
一作細嚼君詩興緒長孤吟空  
效崔頭昂解教老媪能通曉辨

與香山  
作雁行

莫嗟朝鏡髻毛霜  
搃道寒花晚節昌  
一級散官增正  
七三升春酒醉公堂

茆亭秋月

水天上下月微茫  
冷浸茆亭夜色蒼  
我欲去尋幽隱  
客一天風露靜琴張

括諸山水勢兩分

冀北諸山水兩分  
山西流注會龍門  
脊東眾壑歸幽  
野號作桑乾入海奔

復作詩以贊之

職方引據說空繁  
到底終無一定言  
愛殺九峰真具  
眼高空直下看中原

寄馬左丞子卿

士達察判行求先容  
不敢書謹以亂道二  
章聊代起居之問  
且奉一粲云

治道元來有本根  
聚精都在鳳池春  
近因拈出中堂  
記滿眼經綸半魯人

一別春坊歲五過  
向來心事總蹉跎  
遙怜紅藥堦前



露霑丐茆茨意最多

學圃亭

崔君隱德老譚經俯仰乾坤一草亭莫為處心親細  
事正宜烹煮削蕪菁  
桔槔上下任畦丁春韭秋蔬用不勝苦向邵生親問  
訊瓜田風味勝東陵  
明農致事稱周宰抱甕澆畦說漢陰兩事若論為拙  
計空拳搏虎更何心  
庾郎三韭種來青鄭老秋瓜結已成食肉飯蔬元有  
分不應空戀五侯鱗鄭老為瓜州刺史審也  
東鄰近接香山里南汭今稱處士涯活計看來元不  
惡自鋤明月種梅花

題紅葉扇頭

故宮秋色醉來鮮  
浥露吟風雜暮蟬  
折得不浮流水去  
一枝留伴月中仙  
深宮不禁水東流  
賦就幽情孰與酬  
紅露滿山秋正好  
等閒休上建章樓  
今年火盛若為攻  
昭昭西風一掃空  
忽見扇頭紅錦色  
上陽秋意滿吳宮

雅歌一十二首并序

雅歌者為丞相武公作也公經略河南之  
三年有

詔上計行臺時權臣承制威震中外拭  
吻磨牙婪橫噬此可以中傷羣辟者靡



不畢至公以大忠至謹乃心

王室歛衆人之責為己責以天下之憂為己憂雖困於跋躓一身利害略不為恤也蓋欲俾朝廷上存公怒下不失民心為重其大節有如此者竟能感格

帝心思終簡在自非精忠貫日其孰能與於此哉所謂臨大事處大變而后見其真將真相之度焉曰追作雅歌一十五章庶幾流播斯美使後人頌而歌之顧望若神人然其辭曰

讀來黃卷有深切都見平時日用中朝下引車常慕蘭行間拔士每知蒙

陰闔陽開制摠司諸人何與到傾危微臣有罪

天王聖不患

朝廷遠不知

衮冕桓圭極品榮校來得失一毫輕空傳馬援囊珠謗終見汾陽貫日誠

天蓄雷風未動威栖、遵渚歎鴻飛見知正賴

龍潛 帝笳鼓歸來有衮衣

萬馬蕭、入漢巴行臺東下控中華方思霖雨須賢相豈特春風動虎牙

萋菲方成貝錦哀

睿思熒惑若為開天教中令心如日几、俄瞻赤烏來品彙流形共化權歲寒都到老松邊欺殘太古陰崖雪始信貞心老更堅



儀比鸞凰重比山功高心小古為艱平生幹當江南  
事了了身名兩不閑

羣飛鍛翮入罽羅棘上青蠅訝許多良玉儘禁三試  
火周人坐構百升歌

亢則憑凌懦則摧秋霜中烈外低徊虎臣剩有回  
天力更着闡兇与孽媒

拓境每憂王土窄息肩思與萬方休生平戀闕丹心  
在風雨何傷一葉秋

身任安危五十年老臣懷抱若為宣始終正有汾陽  
夢不到江湖范蠡舡

長圍破蔡仁聲著積穀吞吳策畫深二十年来分閩  
地智名功勇搃無心

長憶中堂學固初宛陪高步在亨衢百官禮絕真除

日門閤蕭然一事無

釣魚山下護龍旂番塚江邊奏凱歸一馬二僮東下

日路人拭目認征衣

丁亥歲門帖子

坐賈謀生計已癡埽田無力理耕縻一家風雪渾閒

事四海曲豆穰是素期

汴梁故宮寒食

人家賣酒繞宮池爭插青旗曲作圍簫鼓漸多寒食

近一樽先為典春衣

熙春閣

傑閣當年燕御頻鼎烟未盡慘兵塵土堦三尺茹茨



底人自熙、物自春

倚竹圖

錦字挑香翠易鬢一枝修竹立湘裙定情正在冰霜  
操不到琴臺日暮雲  
粉香沾袖怯輕寒都着幽情寄竹間多是楚山湘水  
怨不應空待賣珠還

己丑歲門帖子

大郎赴部應求叙老子傳心要醉經二事倘能如所  
願一家編簡有餘青  
韓生寤寐春秋學陳孺董酣寶訓文磨礪童孫能寸  
進一家春色看祥雲

題顯宗墨竹

撫軍睿思到湖文筆底秋筠見本根絕似承華欄檻  
看露稍烟葉搃龍孫

堯民圖

日出漁佃日夕歌蠶衣耕食樂天和細思歷象星辰  
外帝力於人更有何

己丑五月十五日過王氏祠堂

兩軒梅竹足興衰親見春山手自我前日問安人不  
見翻、風葉送愁來  
兩世規模有遠圖轉頭庭樹影扶踈顧瞻阿大中郎  
輩信覺嵇公德未孤

巢父飲牛圖

濁泥常恐污吾牛特地駭來飲珀石流縱使許由辭位



去汗顏終是對宸旒  
耕田鑿井不知勞長恐逃名未得逃  
取喜帝堯平治  
事一犁春雨滿江皋  
微庸禪讓兩無心  
駢飲時過碧澗潄  
若見後人牛傳  
事入山唯恐不幽深  
舜授堯傳兩不聞  
最怜牛力晚來新  
一鞭了却東臯  
事賴水箕山分外春  
苦訝箕山易所操  
雖辭堯讓匪吾曹  
桐江上垂綸  
客一樣清風萬古高

清明后二日南庄拜掃回偶占

寒食人家節已過  
秋千猶在院東坡  
今年春日光風  
好拜掃歸來笑語多

野叟爭求醉筆新  
因書聊歇酒杯頻  
勸農說有新冠  
蓋要識君侯是老親

送葵挽歌

高墳舊堯沒荒艸白揚風悲和鬼歎  
人生到此是徹頭一例灰塵無醜好  
祖筵纔徹哀號起  
翠柳多儀殯蒿里  
向來送者各還家  
冥獨卧黃泉底  
人世何短白髮多  
駒隙光陰不奈何  
才見春風吹草綠  
又看庭樹葉辭柯  
人命輕微如薤露  
百年歡樂能幾度  
森鬼伯苦來催  
相將共入黃壚去  
哭聲交慘簫笳咽  
樹架增嚴縞素餘  
昨夜高堂猶暖



熱今宵荒野恨何如  
相將執紼送華輶  
母子恩深哭不休  
報德不銷埋石  
痛低空還有斷雲愁  
方相擊凶魂攪馬  
閭里親知滿中野  
只知衰挽送行人  
相看誰是長年者

細君推氏哀辭

神情減自女孀捐  
病後支持又八年  
最著老懷悲悼  
處死猶知惜盡義錢  
性姿貞靜伯姬恭  
四十三年好夢空  
一闕夜臺無漫  
見悲聲留在白楊風  
歛來三夜夢平生  
明說先姑已侍行  
喪稱有無能戚  
了何須易治太經營

中堂北隩挂殘魂  
戀情思在子孫奉祀更當嚴  
在日忍令哭臨限朝昏

水西原上有新塋  
三世親喪力助成  
一旦夢隨先妣去  
有知當慰未忘情

綫過弥誕無旬月  
遽變辭容只兩朝  
寶曆暗留留菊細黛蛾空見遠山遙

營葺貧家鵲有巢  
百年心事憶同窠  
空餘深夜回溪月  
獨見凌波采澗毛

六十難為夭折悲  
百年偕老是同期  
篋篋衣滿意遺鄉  
在空結纓禱九十儀

病倚中廬望大免  
娟心目已難支  
朦腫帳影魂衣  
閣腸斷燈前擁髻時  
暗用通德悲野田荒州事



去年扶病上新塋，歌管杯盤水曲亭。今日重來人不見，杏花零落柳條青。  
素棺已蓋鋪丹旆，舊物難窺瘞玉臺。苒苒縱隨仙馭去，姍姍猶憶夢中來。  
將持仲子庶同嫡，主苴貧家儉作豐。存歿較來無少慊，正緣余厄致終凶。  
恩榮頗浹魚軒貴，祿食同霑石窠田。忍死最怜相叩問，六旬之上有餘年。  
舒徐委悅澣餘衣，能盡桃夭灼灼宜。四十三年中饋地，儼然宗祖饗多儀。  
團團香火坐庭闈，欲話平生氣已微。生死慮來真大事，幾回含笑說先歸。

逝水碧縈長寢地，畫簾香黯送時車。閒窓不待粧奩感，遺恨空存禱歲書。

百年同穴是同期，一病彌留秋艸萎。垂老境中成死別，九泉相見話真知。  
紙錢灰冷過黃昏，閃閃寒缸閉閣門。只有此生來夢裏，幾迴含泣認離魂。  
健婦治家勝丈夫，維君真與健同符。半生屢勉公家事，一米私門不類吾。  
勸今過飲省文思，切戒無多酒後辭。翁媪老來唯我爾，百年門戶要扶持。  
蘭枯蕙槁不禁風，一夕吹香入殯宮。把酒試澆橋下水，不容將恨到湘東。



當餐愁對齊看案并屋四留復魄衣誰遣兩行知已  
淚浪、併向老來揮

薦藜人去露堂空內助功多想肅雍說似老莊休鼓  
缶固無形氣奈情鍾

壺漿朝奠愴蒿蒸露濕衰衣半淚痕每囑兒童莫歸  
早水邊恐有未招魂

忘懷無似老莊盆便作何知委路塵詩到悼亡能自  
釋情文相稱是安仁

彌殯親遷葬百泉以謀銘誄入瑤鐫君須少候無多  
恨行見貞珉表墓前

長筵拜慶諸姬上隨官名邦二紀間秋入池臺芳徑  
歇春歸庭院落花閒

行來古禮不多難含歛堦藏淚涕潛莫訝初終無佛  
事此心求在有無間

衣衾棺槨無遺憾親戚悲哀有至情二十三年庚子  
月西河原上葬先塋

李早蕃馬圖

群奔角壯任郊坰已八竿頭莫力爭惜取蹄間三文  
逸望雲秋計鐵山程

跋藍閨圖

潮陽英氣凜中天愁絕南荒瘴海烟不道生還陰有  
相自陳哀表亦堪憐

晚風吹雪下閨頭點綴行人去國愁展盡畫圖還自  
惜七閩南下即潮州



題趙克敬遺安亭

襄陽苦節說龐公趙氏貽謀意與同肯羨東隣驟榮  
貴轉頭歌舜畫堂空

趙生卓爾見青衿及長行身稱克欽為問遺安所  
止一家鴻鵠住高林

題張氏致樂堂

生前菽水儘餘歡身後追思世所難誰似考城張孝  
子至今供具潔盤餐

刻桷丹楹燕寢新食前方丈處葉<sup>華</sup>榻一杯不及慈顏  
樂負米終慚季路貧

壽萱亭

蔡丘張氏孝無違終歲承顏看彩衣八戶儂然親不

見一簾風月澹春輝

凱風吹棘心柔罔極恩深痛莫疇不羨潘輿花滿

縣一枝金鳳儘忘憂

潘店早發

一鞭行色既闕道過處人多說險夷忠義共心能自  
信風波前路不須疑

儀封

三代漸民道義深抱關疇匪大賢心披雲纜遠瞻依  
願便解天教振鐸音

睢州道中

馳傳此<sup>北</sup>經梁孝苑垂鞭東過宋襄城征人折盡隋堤  
柳風捲枯蓬逐馬行



汴堤

近自汴州開夾道遠連淮甸卧長虹若論往返行人  
便道在勞民却有功

寧陵縣早發

殘缸斜照耿孤懷夜久吟餘氣頗諧睡暖不知霜力  
重起看梧葉滿庭階

蕭相國廟

海寓清澄入帝圖忍將牛渚飲泥污不思世教從中  
降得約秦苛意儘都

聞時人話芒碭山事

芒碭山遠鬱蒼蒼斷口雲連十里長兩段素蛇今化  
石至今神異說高皇

望碭山縣有感

裴劉起義晉陽宮三百年来立國雄一旦剪夷無噍  
類厲階誰想在全忠

宿州道中

辟寒須酒多難飲數堠前征覺易行前去維揚猶七  
百黃雲衰草宿州城

樓子店道中

汴溝已是荒亡跡湖石重開禍亂基徽煬較来同一  
病九泉相見不相嗤  
敗盟無策更開邊萬石移来起艮山天意故遺亡國  
恨兩堤秋草卧孱顏

虹縣道中度長直溝



望入綏寧接楚雲老婆山遠界溝鄰小河上淮東  
地萬頃黃蘆不見人

渡江

生平夢寐瓜州渡此日風烟指顧間却恨中流風浪  
惡雄觀應欠上金山

潤州甘露寺近為火焚掃地

望空北顧無雙寺行入西津第一州江影隔山搖素  
練行雲和夢瑣朱樓

桃源圖 劉君卿索賦

淵明既號葛天氏流水桃花到處春明見筆端閒寓  
興武陵休苦殫漁人  
東來連舸泛長湖兩鬢冰霜儘瘁癯偶值漁郎心已

媿更堪三復武陵圖

浙西到處武陵溪稍涉幽深路便迷始信避秦元寓  
說淵明遺世厭羈栖

虎丘寺

真娘誰為惜娉婷李白題詩在竹亭快洗鷓班金縷  
盃細烹泉眼較中冷

姑蘇館夜雨

吳亡越霸兩蝸爭朔吹翻江恨未平一夜不眠思往  
事姑蘇臺下雨連明

宿寒山寺

借榻僧窓夜氣清梅花香細燭花明鐘聲不取唐人  
例一覺安眠徹五更



伏生授書圖

遺書灰冷散飛烟老喙重宣即粲然三策竟從名數  
說穎川方寸始虛傳

題醉隱墨竹

清溪映竹連雲苒晴梢醉墨新却為歲寒心事  
苦煖烟濃淡要橫陳  
露梢風葉喜晴春醉掃吟看卧竹根欲見此君生意  
盛滿川烟雨半龍孫

西湖

一湖碧水山三面滿眼樓臺堰一條只為近年荒廢  
久花無容色竹無慘

飛來峰

西湖廢撤無多景靈隱莊嚴有勝幽扶杖冷泉亭上  
看日斜猶為此山留

靈隱寺

山緣松竹烟光潤寺倚峰巒地位雄凭檻忽驚靈鷲  
上世間真有化人宮  
旋開僧牖觀山羅間逐遊人看寺迴買得兩錢乾菓  
子步穿經洞引猿來

錢塘

噫流無壯浙江潮刀削銀塘甃石宇三十里長九兩  
用既防崖路障驚濤

錢塘西岸

市樓接望無三里嶺嶂回環自一川曉日人家炊爨



罷竹籬香滿碧松烟  
人家却問絡江皋  
十室看來四五逃  
閒向老人詢所以  
近緣軍過苦相搔

富陽縣會江樓

山光簇簇無連嶂  
江水瀾瀾漲碧瀾  
何處風烟見真境  
富陽樓上倚闌干

富陽道中

兩浙風烟入富春  
眼中形勝闔橫陳  
一樽不吸江山酒  
笑煞桐廬把釣人  
江山畫裏看清雄  
魚稻鄉中樂歲豐  
不是釣壇客  
未能忘此就三公

早過新城黃山鎮二首

水無絕壑山無麓  
春麥收來秧稻穀  
行穿松逕看烟巒  
一段碧紗籠水玉  
奧溪引作長畦浸  
宿霧空濛破墨山  
馬上不知行役倦  
村、都在畫圖間

白峯嶺

儀曹苦厭為山囚  
霧嶂烟屏看未休  
行過白峰三十里  
桐廬江上重回頭

七里灘

桐廬江水綠于藍  
兩岸山攢碧玉簪  
前去釣臺猶數里  
兩峰奇石見巉巖  
共惜殘年得遠遷  
豈知天意却相憐  
筆頭少得江山助  
便遣空迴亦惘然



嚴州道中

高盤山頂下深淵馬足長驅不易前  
幽鳥背人飛去速一轂津鼓突江烟  
叢、吳岫煖烟生峽東奔江徹底清斜日  
驚師催進棹三灘難上要雄撐

蘭溪縣女步道中

豫樟蔽日無黃落竹笋經霜更碧鮮  
記取江南光景異煖烟晴日是冬天

三河道中

龍丘風土類中原雨勢山開百里川  
白鷺水田摩詰畫桃花溪洞武陵舡

龍游道中

路入龍游不見山縱橫阡陌穀江邊  
穿籬臘笋如槍槩夾道寒花似火燃

龍游道中聞鴈

避寒未趁稻梁肥水遠山長結伴稀  
已是江湖遠行客一雙猶自向南飛

西安道中 衢州屬縣

西安荒惡路清寧水泛山行夜不停  
却為近來山寇發大明猶未撤關局

紫溪山嶺

紫溪梯嶺一層、况復鞭羸帶雨登  
頗笑此山戲行迹世人曾不峻為稱

昔杜止軒告子云楊西菴談諧俠黠之雄者也



世人不知其然不肖何有竟負天下滑稽之名  
揚何深而僕何淺也予謂分水與紫溪嶺亦然  
分水雖大平而易登紫溪雖小峻而難陟今世  
人以大安至險可畏為言而紫溪略無聞焉其  
與楊杜顯晦初不殊也

車盤嶺大雨中上嶺

時沾窮臘天多雨路轉巔崖險可驚  
辦着壯心時叱馭兩程併作一程行

武夷山朱文公書院在焉

紫陽集裏已曾遊此日輕舟過山口  
掘衣不獲拜遺祠武夷一棹空回首

建陽道中二更到縣

山谿流急遠聞聲月暗林深信馬行  
衆宿歛芒南斗大半天驚看六星橫

謝朱詠道山長來訪名沂今為考亭山長

故縣經兵廢不存考亭依舊舊泰山  
尊南來有幸猶親炙得見先生四世孫

八仙驛

灘峻渦旋陡下危拖師招處和聲齊  
八仙驛畔山如畫一棹清風下建溪

劍浦

湛、雙溪劍浦秋張華祠下更深幽  
神兵不斫奸臣去真是蛟龍亦可羞

李延平道南書院延平名侗晦菴師也



延平劍躍蛟龍窟  
涪涪灘危灩澦堆  
二事聽來皆野語  
道南書院重裴徊

高桐道中

梅花如雪小桃紅  
夾道修筇翠幄濛  
折得一枝春在手  
蠟香吹滿馬頭風

上水舡

亂石叢堆積鐵然  
湍流翻雪沸洄淵  
半崖匍匐人如蟻  
百丈驚看上水舡

杖洋

鐵喻篙師紙喻舡  
上灘元比下灘難  
傳呼緩棹蘭橈去  
路入杖洋要細看

蒼峽道中 雨後看雲

滿嶺閑看雨後雲  
空濛踈簿畫難真  
蒼山巧露青髻  
都著鉢衣掛法身

蒼峽鎮雨夜

地連吳越已夷蠻  
蒼峽東南更二千  
鄉夢不成非野宿  
雨聲還向客牕偏

摩天嶺

寒雲直上看高層  
峻極諸山莫與京  
不作閩清具瞻物  
摩天空擅最高名

秀才嶺

西登盤上卧羊坡  
東降平穿谷口蘿  
為問蒼巔高幾許  
微行人指樹頭過水口



山路捱來僕馬瘠  
方舟南下頗安舒  
催搖柔櫓嫌曛  
黑行趁漁燈一點孤

小茗

冬陽暖透征衣燠  
溪曲寬從水口開  
夜半朔風吹月  
墮臘寒還逐早潮來

湯池

湯泉為說盡唐庚  
一脉溫從地氣生  
滌淨世塵初不  
汚根源方信本來清

甘蔗洲

山明溪靜絕纖埃  
望際川原四面開  
忽訝兩涯風浪  
湧舟人云是海潮來

雨中江行望甘蔗洲

方舟搖颺櫓聲齊  
細雨蓬窓看岫移  
望入蔗洲何眇  
霽霧江平抹白烟癡

懷安縣

縣依溪曲兩岡間  
翠竹晴沙轉雪灘  
前去郡城饒候  
送官儀多是夢中看

總題

無窮山轉青龍峽  
不盡溪蟠碧玉梁  
西自鎮江南抵  
福三千里路略相同

義門任氏詩并序

燕雲風土雄碩故  
其俗純厚多以孝友稱  
御史  
藺君寶臣屢談于余  
晉御有任著飛卿者  
樂讀  
書其家義風尤為昭著  
至三世同龔御鄰化而



慕之願得一言發越其嫩因賦二詩于以見蒸  
蒸所自且勉夫錫類不匱之心焉  
燕雲任氏世同居和氣薰然樂有餘春在紫荆庭樹  
底綠陰初不見扶疎  
一門高義冠御鄰累葉相承棣萼春不學張公書忍  
訓友于元自孝心純



秋澗先生大全文集卷第三十

甲戌十月十八日晴和校





